



## Terenga 2: Hōtaka 43 – kupu panoni

Tū mai rā kei ngā pou tītoko i te tāhuhu o te reo i ō koutou nā kāinga. Kia motengi te reo ki runga hei taonga tuku iho mā ngā uri whakaheke. Me whakaihuwaka tātou i a tātou ka mānu ai ki runga i te moana o te reo.

### He Whakamārama

Kāti he poto noa iho te kiriata hei whakarongo, hei mātakitaki anō hoki mā koutou ā kō ake nei. Anei ngā pātai hei whakamaunga atu mō taringa areare.

1. He aha ētehi kupu i whakamahia e Derek i ahu mai i te reo Pākehā?
2. He aha tētehi kupu Māori i whakamahia kāore i te māranga ki a koe?
3. He aha te tino painga o ngā whakataetae rā?

### Hei Mahi Whakarongo

Anei tētehi whānau kupu ka tū hei pūmua, arā hei kupu hāpai **i mua** i tētehi kupu matua.

#### āhua / pīki / kaha / tino / paku / tere

Mā ēnei kupu hāpai te kupu matua e panoni kia kaha ake, kia ngoikore ake, kia rerekē ake rānei te āhua o taua kupu matua.

āhua pai	<i>okay I guess</i>
pīki kaupapa	<i>huge topic</i>
kaha kitea	<i>strongly seen</i>
tino whai	<i>really following</i>
paku rongo	<i>hear it a little</i>
tere tae	<i>arrived quickly</i>

### Hei Manatu

He nui ngā kupu rerekē o te reo Māori mō te kupu Pākehā kotahi 'put'.

He maha ngā horopaki rerekē o te kupu 'put' nō reira me tiki atu tātou i te kupu tōtika mō te horopaki tōtika.

1. put in – **raua ki roto** / purua ki roto (kete or bag)
2. put up – **whakatūria** (umbrella)
3. put on – **kuhuna** (gumboot)
4. put on top – **utaina ki runga** (book on book)
5. put under or to the side – **waiho ki te taha** (chair)
6. put out – **tineia / whakawetohia** (torch)

Whakaurua ēnā kupu ki roto i tō puna kupu hei tika atu māu ā te wā tika.

### Hei Mahi

Whakaotihia ēnei rerenga:

1. Kei te tino...
2. Kua kaha...
3. Kāore au i te paku...
4. Kei te tere...

#### Whakautu:

1. ..ū ahau ki taku rautaki.
2. ...kitea i roto i ngā tau te kaha o tana tinana.
3. ...āwangawanga ki aku tamariki.
4. ...tipu taku tamaiti.